



► Diálogo Sociál ba relasaun traballu konstrutivu, aplikasaun padraun internasionál traballu no serbisu desente

Sumáriu Programa

Introdusaun

Lamentasaun no konflitu ne'e parte ida ne'êbe labele evita iha relasaun empregu. Lamentasaun no konflitu ne'e babain hamosu perturbasaun ba serbisu, hamenus produtividade, halo projetu falla, halo funsionáriu sira falta serbisu, hamosu rotasaun bebeik ba funsionáriu sira no terminasaun. Lei no regulamentu sira ne'êbe ladun klaru iha área rezolusaun konflitu mos bele limita investimentu estranjeiru.

Política no programa hodi responde ba disputa sei foka liu ba iha responde ba lamentasaun/konflitu sira no esforsu atu hamenus ninia impaktu bainhira disputa ne'e akontese ona. Presiza iha atensaun, enerjia no fundu barak liu tan hodi foka uluk ba prevensaun molok lamentasaun/konflitu ne'e akontese liu husi diálogo sosiál nu'udar prevensaun primária.

Diálogo sosiál iha mundu traballu ne'e nu'udar xave hodi halo balansu ba interesse traballador no negosiu-nain sira iha relasaun negósio. Diálogo sosiál ne'e estratéjia ida ne'ebé ho kustu-efektivu liu hodi hatán ba disputa sira. Diálogo sosiál bele poupa tomak gastu sira ne'ebé uza hodi responde ba mediasaun disputa, judisiáriu no servisu apoiu ba bem-estar sira. Prevensaun konflitu primária mós fo rezultadu produtivu liu iha negósio, hamenus kustu sira ne'êbe asosiadu ho funsionáriu ne'êbe falta serbisu tanba insidente konflitu, rotasaun bebeik ba funsionáriu sira, prejudika dezempeñu servisu, inklui menus iha utilizausaun kapasidade sira ne'êbe instala ona no rekrutamentu no treinamentu foun fali ba funsionáriu sira.

► SUMÁRIU PROGRAMA:

Titlu Ofisiál: Diálogo Sociál ba relasaun traballu konstrutivu, aplikasaun padraun internasionál traballu no serbisu desente.

Durasaun: 2020-2021

Parseiru Nasionál sira: SEPFOPE, CCI-TL & KSTL

Area inpaktu sira: Ekonomia, Negosiu & Komunidade Traballador sira

Rekursu Fundu: RBSA, ILO

Atu apoiu no hametin diálogo sosiál, aplikasaun padraun internasionál traballu ne'e presiza, hodi orienta estratejia ba asaun nasional tamba iha padraun internasionál traballu nian estabesele ona padraun sosiál baziku minimu ne'êbe hetan ona konkordansia husi atór hotu iha ekonomia global.

Diálogo sosiál mos buka atu promove relasaun hakmatek no produtivu entre traballador, governu no negosiu-nain sira hodi atinji objetivu husi kresimentu ekonómiku no diversifikasaun. Planu Estratéjiku Dezenvolvimentu (PED) (2011-2030) fo sai ambisaun Timor-Leste nian hodi muda an husi nasaun ne'êbe sidauk dezenvolidu ba nasaun ho rendimentu-médiu ba leten iha 2030. Esforsu importante iha Planu ne'e mak atu diversifika ekonomia ne'êbe agora depende ba reseita husi mina no gas.

Programa

Pandemia COVID aumenta tan obstaklu oin-oin. Atu rekopera no konstrui fila fali, presiza esforsu boot no lais hodi demonstra efetividade. Aleinde presiza política bazeia ba konsensu liu husi diálogu tripartida hodi rekopera ekonomia, presiza mos tau atensaun ba bipartida nia nivel relasaun iha serbisu-fatin hodi promove kultura relasaun industriál no evita konfliktu sira ne'ébe sei afeta ba produtividade investimentu no sai obstaklu iha prosesu rekuperaun.

Enkuantu iha kauza imediatu konfliktu nian barak iha relasaun traballu, kauza prinsipál mak diálogu sosiál no mekanizmu rezolusaun konfliktu ne'ébe la adekua no tuir mai hamosu disputa traballu ne'ébe butuk no pendente hela iha tribunal ba kazu sivil nian. Tamba ne'e importante katak la'os deit hadi'a governu nia servisu konsiliaun/ mediasaun maibe mos bipartida ninia mekanizmu tratamentu ba disputa/ lamentasaun iha nivel serbisu fatin atu halo sai efetivu liu tan. Presiza kria kondisaun di'ak ba negósiu, produtivu, no inovativu.

Estratéjia

Objetivu husi programa ne'e mak atu hametin diálogu sosiál ba relasaun traballu konstrutivu no aplikasaun padraun internasionál traballu nian ne'ébe efetivu ba serbisu desente iha Timor-Leste. Projetu ne'e sei serbisu ho representante husi Konfederasaun Sindikatu Timor-Leste (KSTL), Câmara do Comércio e Indústria de Timor-Leste (CCI-TL), no Sekretáriu Estadu Formasaun Profisionál no Empregu (SEFOPE) hodi:

► Hametin instituisaun diálogu sosiál sira hodi responde ba obstaklu sira ne'ébe agora dadaun mosu iha mundu traballu nian:

- Promove política diálogu tripartida nian kona-ba sasukat ba empregu, kondisaun serbisu, no asuntu relasionadu balun tan nu'udar parte husi resposta ba rekuperaun husi COVID;

- Promove diálogu sosiál bipartida nian no dezenvolve kapasidade atu prepara kondisaun ba konsultasaun no kooperasaun iha serbisu-fatin hodi jere mudansa sira no responde ba obstaklu serbisu nian sira ho maneira ne'ébe respeita prinsípiu padraun internasionál traballu nian (ILS - Sigla ingles) no la hafraku papél konfederasaun sindikatu nian;
- Apoiu konstituente sira hodi revee mekanizmu rezolusaun disputa hodi fo kbiit ba bipartida no governu atu hadi'a servisu jestaun konfliktu; (foka liu ba tratamentu ba lamentasaun sira, no konsiliaun/mediasaun;
- Dezenvolve rekursu tékniku no treinamentu kona-ba padraun traballu, rezolusaun konfliktu no kooperasaun iha serbisu-fatin hodi apoiu política, prátika no prioridade CCI-TL no KSTL. Rekursu sira ne'e inklui – hadi'a feto sira nia representasaun no lian iha diálogu sosiál.

► Promove ratifikasaun Consultasaun Tripartida (Padraun Internasionál Traballu nian) Konvensaun Nú. 144:

- Apoiu tékniku ba konstituente sira hodi ratifika Konvensaun Nú. 144 hafoin validasaun tripartida no submisaun karta advokasia husi SEFOPE ba Ministériu apropriadu sira no Konsellu Ministru.

Projetu nia Kontribuisaun

